


指迷寶錄

邵瑞澄敬題  
元


風陵文庫  
文庫19  
F292  
2



光緒辛巳小陽恭鐫

# 指迷寶錄

邵瑞澄敬書



聖祖仁皇帝聖諭十條

敦孝弟以重人倫  
篤宗族以昭雍睦  
和鄉黨以息爭訟  
重農桑以足衣食  
尚節儉以惜財用

聖諭

邵瑞澄恭錄

隆學校以端士習  
黜異端以崇正學  
講法律以儆愚頑  
明禮讓以厚風俗  
務本業以定民志  
訓子弟以禁非為  
息誣告以全善良  
誠匿逃以免株連  
完錢糧以省催科  
聯保甲以弭盜賊  
解讎忿以重身命

聖諭

邵瑞澄恭錄

李太白仙指迷寶錄問答

或曰天下善書不乏胡為有是書也予曰一切善書論人論報論性天者幾希即有行道多失浮偽此書專為指點愚蒙而於世道利弊亦指一二善書雖多

指迷寶錄問答

邵瑞澄恭錄

此書駕而上之

或曰此壇立後諸天神聖甚至  
玉帝皆降侍壇者如何福德至  
此予曰非侍壇者福德乃天下  
蒼赤福德也若侍壇者之福德  
即我李白亦恐未必能請得

或曰三帝君飛鸞開化固不止  
此時我恐上帝未必若是之勞  
屢屢下降予曰上帝之心即三  
帝之心上帝見蒼生塗炭欲以  
言詞警之况下降賜書懸額非  
為侍壇者也使諸尊敬重之意

有何不可

或曰二人在壇上一人信口傳  
數人鵠立若扶鸞者從中作弊  
未可知也予曰姑無論其百千  
萬言立時可待非人能及此壇  
一不治病二不問事又非從中

取利一人破功夫專為此事恐  
天下無是癡人

或曰此許小仙偽託耳予曰託  
一不能託二數月間何等精神  
託得齊楚天地煌煌雷火何用  
或曰有神曾得見否予曰神本

虛靈之氣果能見形見聲恐涉  
邪曲

或曰然則有時稍留遺蹟否予  
曰若論遺蹟有則有恐君未覩  
不足見信耳

或曰此書一行天下皆奉行乎

予曰未必然

或曰即有不信能免污穢否予  
曰能想人見此書不信其事可  
信其言即不信其言尚不忍污  
穢字紙

或曰天下不能一體奉行侍壇

指迷寶錄問答

邵瑞澄恭錄



者異日必將出人頭地或功名  
遂志或道德淵深予曰否孔子  
設教三千人皆能入室乎此道  
德不能皆淵深也孔子云富貴  
在天此功名未必皆如志也  
或曰天下不能一體侍壇又不

四

能一體何必若是枉費苦心予  
曰不然昔孔子生春秋孟子生  
戰國皆以時不可為一聖一賢  
何不隱匿山林

或曰如子言此書必應廣傳為  
是予曰然子莫多言且看此書

指迷寶錄問答

邵瑞澄恭錄

有奉行者否

聖清光緒七年歲次辛巳十月降著

如不看轉送人  
勿污穢恐瀆神

韓祖師指迷寶錄讀法

一讀是書者必須端坐如諸尊在上潛心靜氣  
字字搜求句句體會方能有益  
一讀是書者不可只求於章句之中要得其義  
至於詩歌等類詞句間未必皆能齊整要皆  
是身心性命之原仁義道德之實若只於詞  
句間求之是非善讀者  
一讀是書者不可醉後披閱是書乃諸天仙佛

指迷寶錄讀法

邵瑞澄恭錄

一片苦心其中精微奧妙直與文昌大洞關  
帝覺世太上感應諸篇並列萬不可醉眼迷  
離以致瀆穢

一讀是書者不可枕邊披閱想人當臨睡之時  
志氣昏惰雖讀亦不知其旨况卧榻之間橫  
斜書卷猶且不可又安問煌煌寶訓哉

一讀是書者既不克身體力行萬不可輕瀆或  
轉送他人不可視如廢紙

一讀是書者隨時警察語語留心萬不可隨筆  
批點旁註致干罪譴

右數條願後之閱是書者謹謹遵行不可稍  
忽憑鸞開化此事雖屬虛渺然人神交會之  
旨感召之機亦非自今日而始也若感應篇  
陰騭文覺世經等篇斯世無不尊重然諸篇  
皆是生前著作而非木筆盤沙所寫乎願君  
子既不肯信是書萬不可瀆穢試思先人所

貽有益於世之語尚宜鄭重况聖賢仙佛訓  
章乎其中皆是人之性命之原倫常之道並  
無一虛渺之語也世人其三思之

孚佑帝君指迷寶錄緣起

予自雲遊天下幾徧寰區立壇  
者百餘處所訓者萬餘篇一切  
詩詞歌訓在人口者已不勝數  
矣辛巳夏五月閒雲遊賞忽有  
立仙壇閒叙予遂棄鶴落雲降

指迷寶錄緣起

邵瑞澄恭錄

壇偶息亦因與諸生有宿因也  
閒談時談及神道設教之妙諸  
生心嚮往之挽予立壇演化予  
曰津門首善之區固宜立是壇  
焉然予所演化者多矣每每煞  
費苦心書成後無人奉行枉勞

心力况事關鉅大又非予得自  
專天色夕陽後予遂閒雲他住  
壇下諸生悵悵無何每於月下  
花前仍聚二三知己設仙壇評  
章酌句此事於是已焉予一日  
宴崇甯與關大帝談及各省風

指迷寶錄緣起

邵瑞澄恭錄

化關帝曰津門素稱善地所為  
善舉若育嬰育黎饒厥義塾種  
種善舉誠非他處能及但嫌戶  
口繁雜商旅雲集風土人情傷  
於奢靡儻得我輩在彼處設壇  
垂訓使小民黜華崇實可為全

善之地但恨彼處無人興立此  
事耳言訖予亦為之歎息宴罷  
予歸絕塵理事事畢靜坐養精  
亦是諸生天緣洽合於靜坐時  
忽念及日來所經過蒼英園洗  
心山房請鸞諸生欲設壇開化

三  
盍邀關帝同往察其人情地址  
儻能彼處興立法壇未可知也  
予遂欣然下座趨赴崇甯與關  
帝談此事帝曰彼處風土奢華  
未必克成此事呂友且回可緩  
圖之予彼時乘興來敗興返矣

亦遂置此事而莫論矣隔數日  
予在絕塵理事忽柳際倉皇趨  
報曰關帝至矣予頗詫異整衣  
相接見帝顏頗和對予曰喜哉  
大事可成也呂友知否予茫然  
不知為何事遂曰不知帝曰適

四  
間雲遊冀北路經洗心山房見  
二三人設壇請仙子命周部下  
驅退鸞仙子大書曰關聖帝君  
到諸生皆驚喜交集跪而不起  
各各誠心專志無可復加予遂  
準其於次日設壇我到諸生唯

唯聽命其地址亦頗清雅予特  
來與呂友酌議此舉予聽言之  
下不勝喜慰對帝曰此處人心  
地址既稱並美立壇演化不可  
緩矣遂牽關帝襟飄然直赴桂  
宮邀文帝一同跪乞通明求恩

指迷寶錄緣起

邵瑞澄恭錄



五  
準此事不意上帝開廣大慈悲  
準其請諸天聖賢仙佛飛鸞開  
化予遂同關文二帝降洗心山  
房特諭諸生設壇開化諸生泥  
首叩謝慨然應承責任預數日  
命太白李仙教訓禮儀一切教

訓畢諸生升降進退頗屬可觀  
予同二帝遂擇期開壇不意天  
恩錫寵上帝欽賜書希聖堂三  
字後又賜名皇古山莊於是寶  
訓常垂集足四冊以倫常為綱  
以性天為本詩文歌誥無一不

指迷寶錄緣起

邵瑞澄恭錄

六  
備閏七月間天宮有事停壇數  
日後又請訓諸生稟稱天假奇  
緣弟子等敢請諸尊駕幸各弟  
子處方好予曰不妨遂從此諸  
生處輪流設壇於是無專壇焉  
所降者計古草山莊水晶別墅

春風室桐花館養雲小室淨慮  
草堂濃翠軒海棠亭諸處訓章  
已罷命諸生校對隔數日又於  
水晶別墅設壇請予閱訓予見  
訓章不繁而倫常之要性命之  
根俱詳細剖明並無遺漏予不

指迷寶錄緣起

邵瑞澄恭錄

勝喜慰無心中作出一段大功  
德來予之幸實諸生之幸諸生  
之幸實天下之幸也予遂記其  
顛末於卷首

聖清光緒七年歲次辛巳九月九日  
降著於津門水晶別墅

北斗大帝序

夫以聖教不興人心日壞天壤  
間直無一指迷路者故上帝震  
怒屢降災於小民或有一二知  
識者亦只是徒務虛名我關大  
帝赤心不忍坐視與諸天聖賢

指迷寶錄序

邵瑞澄恭錄

仙佛飛鸞顯化垂救世之篇章  
以扶王道留濟人之寶筏以正  
人心能使迷路之人恍然知悟  
得入明明之大道為功豈淺鮮  
哉閱數月寶訓告成挽予作序  
故贅數言於卷首

聖清光緒七年歲次辛巳九月九日  
降著

指迷寶錄序

邵瑞澄恭錄

關聖帝君序

茫茫世界不堪觸目一切聲色  
貨利攪擾迷民最可恨者無知  
之輩入迷途而不返入曲路而  
不知予觀之殊覺不忍遂跪乞  
通明求準其飛鸞開化上帝垂

指迷寶錄序

邵瑞澄恭錄

恩教三教聖賢仙佛大開方便  
各省周流予想津門乃首善之  
區非伊處可比遂擇帶河門內  
一小園頗為潔淨恰遇諸生設  
仙壇閒叙予遂駕至此處旨教  
諸生輪流侍案垂訓勸世以指

迷路之人閱數月書已告成訓  
章不繁而身心性命要道無不  
全備且喜諸生永行不怠全始  
全終克成善舉予閱書之下不  
覺喜出意外特編數言以冠首

聖清光緒七年歲次辛巳九月朔日

指迷寶錄序

邵瑞澄恭錄

降著

文昌帝君序

蓋聞孔子集大成而後刪定詩  
書修春秋贊周易日用倫常之  
道身心性命之原典籍昭垂瞭  
如指掌後世讀聖賢書體會實  
義且能約鄉里中同結宣講即

指迷寶錄序

邵瑞澄恭錄

村夫老嫗無不以孝弟為先人  
又何至迷我輩又何必指哉無  
如世風人情日趨於下士君子  
雖讀書明理有誰身體力行哉  
至百工之人不待言已故因斯  
世人皆迷路遂有指迷之書也

其中章句皆闡發聖賢之義明  
倫紀之原而且字句以淺淡為  
先庶使雅俗共賞從此書傳斯  
世化梗頑而返真純訓救迷氓  
獲豐盈而退災劫輔王章佐聖  
治四海六合咸沾化雨重得唐



虞之盛也豈不懿歟是為序

聖清光緒七年歲次辛巳九月九日

降著

正陽帝君序

夫自聖教不興學術日偽當時  
士子林林有談因果報應者羣  
相指為迂所以言性命者幾希  
矣士為四民之首士風一壞世  
道於以頹焉最可歎迷津滾滾

指迷寶錄序

邵瑞澄恭錄

全無指路之人孽海茫茫誰是  
有知之士遂連年荒歉五穀不  
登非天地之為實人所感召也  
聖賢仙佛觸目傷心實屬不忍  
故大開教化設立法壇開迷人  
之智慧指正大之途程嗚呼當  
今之世非聖賢仙佛指迷尚有  
指迷者乎書已告成予不勝喜  
慰聊附數言於卷首

聖清光緒七年歲次辛巳九月朔日  
降著

韓祖師序

噫天下人心之不古也一派繁  
華不求真樸日逐於財氣酒色  
之中竟昧夫仁義忠信之典所  
以蟲蝗瘟疫水火刀兵因時而  
起悠悠天下能不在迷路者尚

指迷寶錄序

邵瑞澄恭錄

有幾人哉見世之為人只求眼前之樂不思報應之彰紛紛亂亂無時可已故諸天佛祖大開方便飛鸞開化欲指迷路之人皆歸正路遂有指迷錄焉其中勸戒皆就人情立論若徒言因

果必至貽虛渺之譏故節節篇篇胥加斟酌若不言因果又難見循環之顯故章章句句皆費思維數月間攢成四集首以救劫金箴為冠所有一切利弊條條說明後以諸尊寶訓繼之其

詩歌訓誥皆藏義蘊一言一話  
各有精微書將告成是以為序  
聖清光緒七年歲次辛巳九月八日  
降著

周將軍序

茫茫天下各省世風日壞人心  
日漓所有一切無知之輩皆入  
於迷鄉矣但見其一片風沙迷  
雙目千層波浪迷渡舟諸天佛  
祖見之不忍大開覺路以指羣

指迷寶錄序

邵瑞澄恭錄

迷於是有指迷錄焉其中詩歌  
訓誥無一不備言皆取淺淡而  
不取濃華因其雅俗共賞或談  
因果或論性天於物理人情體  
驗最深此乃聖賢仙佛一片婆  
心湊成數冊願後之閱是書者

體量聖情勿輕瀆穢是我厚望  
焉聊贅數言以為序

聖清光緒七年歲次辛巳九月七日  
降著

殷天君讚

訓章數月告成皆是苦心一片  
章章條法分明理學精微雪亮  
世人得見斯書準保本來真面  
我心不覺快然木筆垂留此讚

指迷寶錄讚

邵瑞澄恭錄

李青蓮大仙讚

四海安平

萬姓熙攘

此書告成

煌煌鉅典

報應昭昭

言詞朗朗

自重前途

各加黽勉

指迷寶錄例言

一指迷錄一書其間以倫常綱紀為用以性命身心為體雖三教各有指陳而於洙泗之心法洛閩之微言闡發殆盡洵可謂後學之指南車也讀者宜實心體會庶絕學不墜道統可延也慎勿輕率以負帝心

一指迷錄係聖賢仙佛飛鸞開化凡有詩文歌諭皆謹遵原稿或有音韻未諧語句未整者



皆敬謹恭錄不敢妄爲增減一字閱者慎勿於字句間求之

一指迷錄本爲輔佐宣講聖諭而作奈天津爲五方雜處之區人心未能劃一恐生疑謗致干譴責故未能膺宣化之舉各省善士見是書有能宣講聖諭並將此書廣爲講說者功德不可言量矣

一指迷錄肇自光緒辛巳五月下旬至八月十

五日收壇因未滿四冊叩求三帝君開恩又續數壇至十一月初一日止故中秋後所垂之訓閒有侍壇者恭擬目錄呈請垂訓此係三帝君加恩讀者識之

一指迷錄所載欵式如諸尊臨壇除玉帝駕幸敬謹三擡其次無分尊卑皆敬謹一擡訓序中雖玉帝至尊概不擡頭空格者爲便閱者一目了然也讀者諒之

一指迷錄有言及人之前身者非妄也試觀文帝化書便知其實

一指迷錄原稿積累頗多散失數篇故有一日僅錄一詩並無訓語者

一指迷錄多有晚壇係三帝君開恩格外體恤恐在壇有因此或荒本業者故晚壇居多

一指迷錄書成後帝君屢次督催刊刻校對或未甚細魯魚豕亥不免有譌閱者諒之

指迷寶錄初集目錄

孚佑帝君 詩示

李太白仙 詩訓

諸葛武侯 訓諭

關聖帝君 詩訓

漢趙將軍 訓

孚佑帝君 詩

李太白仙 詩

宏教真君

詩諭

文昌帝君

詩訓

立德莫先修身訓  
戒淫書訓

孚佑帝君

示

周將軍

諭

關聖帝君

諭

文昌帝君

訓

孚佑帝君

諭

文昌帝君

訓

周將軍

訓

關聖帝君

諭訓

桓侯大帝

訓

文昌帝君

訓

關聖帝君

諭附壇規  
罰約

關聖帝君

希聖堂小引

文昌帝君

希聖堂小引

孚佑帝君

戒洋煙守心丸

附示  
詩

觀音大士

偈示論

孚佑帝君

論

觀音大士

話

孚佑帝君

論

玉皇大天尊

詔

孚佑帝君

論

釋迦牟尼佛

論

東嶽大帝

詩

中皇佛

詩論

御祿佛

詩話

彌勒尊者

戒毀謗釋道文

普賢菩薩

戒毀謗神佛文

文殊菩薩

警世歌

關聖帝君

論

孚佑帝君

論

斗姥元君

詩話勸孝文

孚佑帝君

話

宗聖曾子

訓

孚佑帝君

示

面然大士

示

地藏王菩薩

偈

孚佑帝君

示

關聖帝君

詩

文昌帝君

詩

關聖帝君

話

孚佑帝君

詩

關聖帝君

諭訓

中皇佛

示

玉皇大天尊

詔

關聖帝君

諭

中皇佛

話

孚佑帝君

話

金龍四大王

訓

關聖帝君

話

田天君

勸弟文

關聖帝君

話

孚佑帝君

話

宏教真君

論

海門四將軍

詩

海門大將軍

息水災文

孚佑帝君

論

火德真君

論 附息火文

孚佑帝君

示

關聖帝君

話

太乙天尊

詩并持心歌

孚佑帝君

話

復聖顏子

警慢看宣化文

孚佑帝君

論

釋迦牟尼佛 偈

觀音大士 戒不禁婦女豔妝文

桓侯大帝 武將盡忠報國文

御祿佛 歌

中皇佛 訓并修心銘諭

普化天尊 訓

孚佑帝君 話

岳武穆王 詩并勸忠文

岳少將軍 話詩

孚佑帝君 話

文殊菩薩 訓

普賢菩薩 訓

關聖帝君 話訓

孚佑帝君 訓

文昌帝君 訓

土神李公 話

目錄

關聖帝君 話訓

孚佑帝君 訓

文昌帝君 訓

觀音大士 話

正陽帝君 詩話并戒酒文

中皇佛 示

玉帝大天尊 詔

關聖帝君 話

宏教真君 詩

李太白仙 詩



指迷寶錄初集

五月二十四日



孚佑帝君降

詩

鸞輿下降紫霞宮。天外雲光淡碧空。都為因緣  
聯翰墨。仙裾今又惹塵紅。

示汝等皆讀聖賢書。亦會讀善書否。真見過  
數部曰見何書。稟會見敬信錄丹桂籍願同

集願體集等書並有新出返性圖救生船二

書曰汝等看神道設教何如。稟神道設教乃

神聖開格外之恩。真是救世良藥。曰諸生皆

信否。稟神道設教並無可疑。不敢不信。曰汝

等但信神道。恐尙未知其妙耳。夫神道設教。

乃輔人道之不及。儒教以人道爲實務。其所

以不談因果。只言道理者。恐啟後世之人。貪

於希福。而不盡人道也。然其最著於經者。於

左傳屢屢言之。其大端已可概見。近來救生

返性二書。尤開亘古未有之奇。實人生之至

寶。故曰恐汝等尙未知其妙也。稟弟子等立

願叩請諸尊垂訓。亦如返性圖救生船立一

專壇叩求恩准。

曰津門首善之區。固宜立壇。

然予所垂之訓。每每煞費苦心。書成之後。奉

行者十不獲一。雖立壇垂訓。亦徒勞心力而

已。又何益哉。况事關鉅大。非我所得自專。再

議我歸。

李白大仙到

詩

寂寂斜陽落短隄。仙雲一片過桃蹊。因緣與爾  
前生定。駕出崇甯到陌西。

訓吾自超塵以來。嘯傲江湖。唱酬花月。皆吾  
生前之樂事也。然而豈無由致此哉。議我者  
必謂生前之才華邁眾。每嘯月而吟風。致死

後之洒落登仙。遂乘鸞而控鶴。而皆未必然  
也。雖然何由致此。蓋從賦畀以來。不敢稍昧  
夫天理。即成學而後。猶未失其天真。身得天  
即以身還天。不敢稍有虧損耳。所以登仙籍。  
入仙班。蒙聖帝恩。又得選入崇甯。實不外修  
身二字而已。吾願將吾自勉者。為諸生勉。

二十八日

諸葛武侯降

訓諸生無可囑處。但願奉行眾善。以淨其心可耳。

諭茲有關帝詩並訓。命我寄與爾等。

關聖帝君

詩

久謝三分割據勞。而今猶有漢旌旄。回頭不忍荆襄看。多少樓臺盡野蒿。

訓吾素讀春秋。爾等皆為聖賢之徒。與吾有

同契焉。願爾等勵以自刻。效先古之遺風。脫炎涼之世態。忠孝節義。各宜體會。吾之厚望也。

漢趙將軍到

訓某生 日後可造。但恐庭帷未必如志。所可改者。寡憂愁記。

訓王生 汝雖年幼。然氣質尙不淨。須立定腳根。日後所可改者。寡私欲記。

六月初一日

孚佑帝君降

詩

帝君駕出九重天，萬頃波光數點烟。星斗芒芒銀漢濶，伊誰此際泊天船。

李白大仙到

詩

青蓮隨駕出崇寧，斗自光寒天自青。海上管絃

聒耳畔，是誰月下泛詩舫。

宏教真君到

詩

柳仙雲在帝君旁，月有清陰漢有光。遠寺鐘聲悠蕩蕩，却疑寒夜乍凝霜。

諭帝君今夜邀文帝來，諸生小心候駕。

田天君到

殷天君到

楊升菴仙到

桂宮

天龔地啞到

文昌帝君降

詩

輿鸞降紫霄。四野眾星高。畫裏人家密。炊烟幾處飄。

訓生等以讀書之才。宜不負讀書之實。朝乾夕惕。宜知至理之淵源。勵志潛修。宜體聖賢

之實義。庶不負為讀書之人也。

立德莫先修身訓

甚哉身之為大也。不可一日忽之。不可一時玩之。試思古大聖人皆此身也。莫非不負天之所賦而已。爾等懋修之下。當以身為聖賢之身。不可為退縮不前之身。道不遠人。人之為道。宜慎其身焉而已。

為儒不可為淫書所惑訓

新

卷一

六

且夫淫書之爲害。大且深焉。作者傳之。傳者刻之。閱者迷之。白茫茫大地。竟成一淫亂之區也。試思人具五行之秀。爲萬物之靈。因紙上風流。無稽之巷語。迷其心。又迷其志。真不知身之爲貴也。可不惜哉。爾等其勿爲此惑。

孚佑帝君

示今朝嘉爾等之誠。各賜清茶一盞。叩謝。

初六日

周將軍到

諭爾等小心侍壇。帝君駕到。叩迎。

關聖帝君降

諭爾等設立仙壇。却極誠敬。我今日路經此地。因命周將逐退鸞仙。帝駕到此。壇下皆跪不起。曰。起立一旁。昨命武侯所賜之訓。切宜體會。稟遵命曰。呂帝曾言此壇。諸生尙屬純謹。帝君今見汝等。誠屬可教。前者汝等上表。

叩請諸尊垂訓。呂帝未即允者。恐人心不固耳。壇下叩求。關帝開恩立壇。曰。此事殊非易。易倘有始無終。或半疑半信。反取罪戾。汝等果能膺此任乎。稟弟子等願竭力以全此事。曰好。頗誠。帝君恩准。明日約同文呂二帝。奏明上帝。即於明晚設壇。諸生小心候駕。莫誤我歸。

初七日

宏教真君到

李白大仙到

孚佑帝君降

桂宮天龕地陞到

楊仙升菴到

文昌帝君降

殷天君到

趙天君到



周將軍到

崇寧四將軍

關廖王趙到

關聖帝君降

諭三帝將此壇事。已奏明上帝。蒙上帝恩准。

旨敕諸尊。飛鸞開化。未知入壇者幾人矣。稟  
七人曰。有一件。此後全天佛祖。都許來臨。不  
可疑信相參。恐干天怒。在壇諸生。遵法令者。  
齊聲答應。不遵者自便。齊稟遵曰。自十一日

開壇。每月按一四七日請駕。帝君署一額。希  
聖堂。再列諸生名次。皆以因緣相列。不可稍  
存芥蒂。諸生各賜法號。王生賜號羽仙。陳生  
賜號秋岩。某生賜號鉢存。某生賜號梅卿。王  
生賜號驥才。李生賜號古廉。喬生賜號琴緣。

文昌帝君

訓梅卿。汝本清雅之才。切不可為流俗所染。

第一要也。務須勤進修途。不可暴棄功名。可

望第二要也。汝書法極有天資。從此加功。自能獨映當時。第三要也。汝父母在堂。實屬天倫之樂。務要盡心孝順。第四要也。汝交友務須擇輔仁者。不可泛泛於聲氣。第五要也。

訓古廉汝素朴老無甚可囑。但有三件宜遵。汝素好安靜。然不可懈怠修途。一也。汝素好清逸。然不可無志功名。二也。汝雖事椿萱無他錯。然宜再加孝為妙。三也。

訓琴綠

汝正在有為之日。不可負有為之時。然有五條宜遵。首莫先立一個志。如樹木無根。不能發葉。汝先宜立志。次汝要治心。不可用一心於此事之中。又分一心於彼事之外。汝次要治心。三務須斂神。不可每日蹤無定處。三要斂神。四務須正氣。天地之氣。不可以邪穢污之。淫詞小說。切不可看。四要正氣。五務須誠意。不可始勤終怠。尤宜知修心為重。

五要誠意

訓 驥才 汝本性剛烈。自宜收斂。汝本性嬉遊。切宜改悔。汝本性魯直。切宜澈明。汝本性滯塞。尤宜擴充。最宜務者。帝君大聲呼之曰孝弟。

訓 鉢存 汝生前命薄。一蕭僧也。切宜保守此清淨之身。是從身上修德法。汝生前乃菩提之心。今世不可易為聲色貨欲之心。是從心

上修德法。非禮勿視。非禮勿聽。非禮勿言。非禮勿動。是從耳眼鼻舌上修德法。獨居一室。如十目所視。十手所指。是從幽獨上修德法。汝欲修德。莫忘此訓。

訓 羽仙 汝雖云無踰閑蕩檢。然年未及冠。終身尚在一己之作爲。但以汝之性情。可謂不矯俗。不同流。少年之操持爲可觀。但爾心緒多思。切宜速改。尤宜了了世緣。明明志趣。所

可議者。未能寡思脫塵也。汝能永久不改。再寡其思。以脫其塵。其庶幾乎。吾且爲汝望。吾再與汝一字曰孝。

訓 秋岩 秋岩爲七人之冠者。得羽仙之品行。得鉢存之誠實。得梅卿之才慧。得驥才之剛直。得古廉之朴簡。得琴緣之梗概。六人之長。皆有。但有一事未能脫開。世上之俗緣未了。切改。

孚佑帝君

論以後各有執事。不可亂錯。羽仙秋岩扶鸞。鉢存書訓。梅卿跪讀。驥才移座。古廉接香。琴緣續香。如有不能到者。可代。否則不准亂序。切記。

文昌帝君

訓爾等誠敬之心。格感神明。帝君故特來飛鸞開化。以指羣迷。但爾等欲正人。宜先正己。

指迷寶鑑 卷一 十一  
欲淑物莫要淑身。此帝君之厚望也。但恐有流俗之輩。不諳事理。於此譏諷。不可從此有改前行。以致前功盡棄。戒之。

周將軍

訓 吾乃漢末一勇夫耳。不意得從聖帝。享血食於千載。此我不及料也。諸生以明察之才。不可為酒色迷之。不可以財氣惑之。此人生四大關口也。如能打出此關。便為第一人物。

如不能者。迷於此路。與禽獸何異。吾言雖直。諸生勿忽。諸尊歸。叩送。

十一日

本處土神李到

宏教真君到

楊升菴仙到

李白大仙到

趙將軍到

關將軍到

周將軍到

四天君王趙到

龐士元到

諸葛武侯降

桓侯大帝降

孚佑帝君降

文昌帝君降

關聖帝君降

諭汝等誠能如是宣化久而不懈吾當奏於上帝多賜福澤

訓蓋聞人心不一人類各殊有不可齊而一之者也吾所喜者忠臣孝子所斬者邪僻卑流此壇一立爾等宜竭力修身不可有負聖教此後佛祖輪流賜訓各有誨章吾出目曰孝弟忠信禮義廉恥八字為題諸尊賜訓汝

等各宜小心候駕。

桓侯大帝

訓爾等皆讀孔孟之書。宜曉孔孟之道。不可日對詩書。究不知實義。染習俗之污。既入壇。再有越規之事。自慎。大帝不恕。

文昌帝君

訓爾等有心向善。不可有始無終。切要關大帝嫌壇下人寥落。務必擇誠實之士。引入此堂。以助威儀。各宜謹慎。臨期務須早集。不得自悞。

關聖帝君

諭帝君以普渡之心。待小民無二也。以後汝等既入壇。必須遵訓。又非小民類也。小民可恕。汝等不可恕。特立罰約於左。

- 一 臨期不到者。罰跪香一柱。
- 一 臨期來遲者。罰跪香三寸。

一請駕有嬉笑者罰跪香三寸

一訓有不遵者罰跪香三寸

一亂序無禮者罰跪香三寸

論日後舉動有神察。不可違訓。倘有過惡。爾等小心。扣除不貸。

希聖堂小引

夫人生幾何。莫非過客。百忙中有一事。可以治心養性。可以積德修身。莫如宣化一舉也。近可以報一身。遠可以綿世蔭。苟能身體力行。純儒循吏。超世登仙。無不深賴此也。爲功豈淺鮮哉。始之以吾帝開壇返性圖。繼之以呂帝開壇救生船。煌煌寶誥。可爲萬世之典型。朗朗名言。足爲千秋之模範。吾帝之心。稍酬於萬一也。方以爲世無如此好善之人矣。不意得之於前。復得之於後。宣化之堂。有重新。宣講之事。有重舉。但人不如前之眾。堂不如前之廣。然人雖少。而心



誠堂雖小而几淨。今日不殊於前日。此時可比於昔時。吾帝之快。實爾等之幸也。特為諸生與一字日久。

文昌帝君

希聖堂小引

夫自人心不古。今人非復古人。日日奔忙世事。所作惡孽叢叢。上帝見之大怒。茫茫大劫來臨。無拘善惡純駁。頃刻玉石俱焚。吾帝實屬不忍。

總宜指化迷蒙。吾與關帝呂帝。同為跪乞通明。帝准飛鸞開化。屢次下降凡塵。無奈人心不改。聖訓視為具文。爾等有心向善。總宜體會聖情。救世苦心不淺。各各俱宜奉行。果能久而不懈。必克共上蓬瀛。

孚佑帝君

賜戒洋煙守心丸方

洗心 一片

寡慾 十分

清氣 三兩

引狼住心 十寸

示服此方者。無不效驗。噫。此物之迷人大也。夷人此物。本等信石砒霜。華人愛之。不啻山珍奇味。燈半滅而半明。何殊冤鬼。身又枯而又瘦。不啻骷髏。此吾之最惡者也。吾再留一詩以勸世。

詩

世人何故竟癡迷。卻把夷人作可兒。呼此毒煙

為益壽。不知長壽卻存誰。

諭移時觀音大士來臨。諸生叩迎。

南海侯到

四大金剛到

四值神到

龍女到

善財童子到

觀音大士降

偈

吾本南海老衲。特蒙聖帝邀來。聞說諸生意敬。宣化大會重開。吾今特來誌喜。諸生各宜持齋。齋非尋常之齋也。爾等宜知此字義。果能久行善舉。異日穩步瑤台。

示今吾正在入定之時。關帝忽同文帝到。談及此處立希聖堂。挽我轉請西天諸佛菩薩。來此垂訓。以成善舉。予故喜不自勝。此後果

可挽回世道。未可知也。諸生勉旃。

諭今日已晚矣。下壇西天教主來臨。諸生各宜誠敬。不可怠忽。切囑。

孚佑帝君

諭日後有訓。不可將就了事。此壇三帝所立。必須與吾三帝增榮。若有懈怠。吾定不恕。

觀音大士

話吾觀諸生皆誠。呂帝何必仍責。

土神報曰諸尊已歸。吾在此鎮壇。諸生自便。

十四日

宏教真君到

李白大仙到

李佑帝君降

桂宮天龔到

楊升菴仙到

文昌帝君降

雷府四天君

田趙 殷馬到

崇甯四將軍

王關 廖趙到

周將軍到

桓侯大帝降

南海侯到

四大金剛到

四值神到

龍女到

善財童子到

紫竹林南無大悲觀世音菩薩降

彌勒尊者降

文殊菩薩降

普賢菩薩降

御祿佛降

中皇聖佛玉皇駕前正宰降

孚佑帝君

諭今朝玉帝駕與西天教主釋迦牟尼佛。關  
帝誠請到堂。壇下又有幾人報名。報名畢曰、  
諸生今日務宜小心。不可怠忽。

移時

關聖帝君降

東嶽大帝降

西天教主釋迦牟尼佛降

孚佑帝君

論門外向東北叩迎駕到。

玄穹高上帝玉皇大天尊駕幸

詔賜牟尼佛旁設一座。

詔曰。吾乃玄穹上帝。玉皇總理天尊。曠觀世上惡孽。沖天黑氣紛紛。酒色更加財氣。迷亂無數蒼生。吾帝降之水火。烽烟屢起刀兵。皆由羣生自作。吾帝言之傷心。故此親臨世界。諸生莫負朕躬。各宜洗心淨慮。爲善務要心真。孝弟爲人根本。作事務

要心公。又加立堂宣化。莫可有始無終。待得書成之後。各各俱有奇功。此詔爾等切記。速速送我回宮。

孚佑帝君

諭上帝駕歸。向東北叩送。有旨。嘉諸生誠字。惟後到邵生未叩。上帝不加罪。心慈之至。以後有人來。汝扶鸞二人可示。切記。

釋迦牟尼佛

諭玉帝此日多有恩惠亦屬諸生奇緣。皇恩浩大。切不可忘。諸生各宜潛修一室。各知神目獨明。絲毫虧己。切不可作。今日吾佛速回。另日再賜訓章。送。

東嶽大帝

詩

茫茫苦海幾時休。亂石堆中麋鹿遊。一旦輪迴難脫却。野田古郡盡荒邱。

中皇佛

詩

北畝南田白骨高。其中誰識有英豪。勸君早覓長生路。莫待荒邱埋野蒿。

諭吾乃玉皇太子也。昨有關聖奏明上帝。此處設壇開化。上帝心大快。特降此賜詔一章。爾等各宜謹慎。不可負上帝慈惠之心。另日再訓。

御祿佛

詩

人情翻覆更西東。流水斜陽幾度紅。笑煞天宮南極子。誰能壽比白頭翁。

話此日尙有諸尊未退。另日再訓。

彌勒尊者

戒毀謗釋道文

夫三教立於萬古。垂於千秋。皆為後世之津梁。

全作洪波之寶筏。理本一端。教豈二致哉。無如世風日下。釋教弗興。無知之行者。全以金經為致利之方。寡識之沙彌。竟以法華為生財之道。是以無知之狂儒。貶為邪教。視為旁門。豈知釋道者哉。願君子廣傳此訓。庶使世人知三教歸一之旨。實吾之厚望也夫。

普賢菩薩

戒聽信俗語毀謗神佛文



嘗聞孔子曰。鬼神之爲德。其盛矣乎。天地之中。豈無聖凡之分哉。如謂無神。則風雲雷雨。果何人所司。霞露雪霜。果何人所掌。冥冥中自有神人之分也。願世人矯俗離羣。別精藻鑑。修身克己。不昧神明。暗室中自有明燈相照。幽獨裏自有神目獨明。皆不爲俗見所惑可也。

文殊菩薩

警世歌

富貴風前燭。功名水上漚。就讓是黃金堆北斗。難脫閻羅把筆勾。英雄豪傑。公伯王侯。閻羅喚你誰敢留。鬼卒牙常牽拘就走。說甚麼萬頃田。百尺樓。肥馬輕裘。死後惟存土一邱。就是你施詭計。用奇謀。田財百萬有。後代莫能守。枉與兒孫作馬牛。已宜克身宜修。不必多慮。不必愁。幽獨自有神明睇。脫盡塵氛三百斗。定步瀛洲。定步瀛洲。

關聖帝君

諭壇下人新入壇者報名。各報名畢

訓 金生 汝今日來此壇下甚屬有緣。但以後

欲入壇必須長久。不可怠忽。除卻實不能脫

身。暴雨臨期不准不到。

訓 邵生 汝入壇後身須自修。不可縱意。謹慎

為要。日後不到依罰約。暴雨可。

訓 龐生 汝本性頗直。無甚疵謬。但日後不可

優游自處。必須勤進修途。

訓 張生 汝本有好善之心。方有如此奇緣。日

後不可多思慮。

訓 金生 所有一切模範。前車可鑒也。汝日後

宜求正心誠意。自能卻病延年。

訓 李生 汝素有慕敬吾帝之心。此日得遇。實

汝之三生有幸。日後宜自戒可。

諭今日執事派好。下次上聖輪流賜訓。金生

料理壇前一切事故。有亂序者要責。王生仍舊扶鸞。陳生仍舊扶鸞。某生仍舊書訓。王生司茶。金生剪燭。邵生移座。張生跪讀。李生續香。李生仍舊接香。喬生司茶。龐生移座。

土神報曰。諸尊歸天。叩送。

十七日

李佑帝君降

諭諸生向北叩迎斗姥元君。

斗姥元君降

詩

寶鼎香煙貫九天。輿鸞下降法壇前。聞言此地開宣化。特與諸生結善緣。

話未知諸生衍化。以何為先。稟以孝為先。昨

聖帝出孝弟忠信禮義廉恥八字為題。請諸

尊賜訓。曰。化人不外八字。吾特降勸孝文一

篇。

勸孝文

且夫五教以孝爲先。五倫以孝爲重。天地閒莫大於此也。故君能孝親國祚永。臣能孝親位爵高。至於農賈百工。莫不以孝親獲福報。莫不以孝親壽子孫。孝道立於千古。何待指化哉。而無如古人已去。古道弗存。或以甘旨爲孝親。全無一毫恭敬之心。或以禮貌爲孝親。全無半點真實之意。然此二者。猶欲托孝之名也。更有遠遊

四海。不顧白髮之高堂。放浪形骸。只戀紅顏之妻妾。日遊於酒色之場。日陷於氣財之內。一旦罔極深恩未報。雙親老於慈帷。椿萱隕落。再欲報答親恩。不可得也。縱能厚葬。九泉何處報親知也。况世人衣履光明。並不念雙親之衣衾。屋堂華美。並不修二老之祖塋。此類種種不孝。天地不容載。鬼神定欲誅。輪迴一到。難脫无常。壽數旣終。怎逃陰罰。與其不孝致禍於身。何若盡

孝得福於身。况汝不孝。汝之孫子。亦將依樣畫葫蘆矣。可不畏哉。世人聆此訓。各盡其孝道也。可。

孚佑帝君

話諸生向西叩迎孔門宗聖曾子。

宗聖曾子降

訓昔吾從事杏壇之上。聆教泗水之旁。夫子不以吾質魯年少。稍靳其傳。自吾幼年志學。

至於一貫皆通。所得力者。不外吾之三省也。今吾位居金闕左相。猶慄慄於此三省而不忘矣。茲蒙呂帝邀我。賜勸孝文一章。不意斗姥先我而來。已經訓過。予再訓。不免添足矣。吾尙公忙。不克久坐。諸生欲聽我教。且將三省一章。詳細味之可也。

孚佑帝君

示諸生向西北叩迎幽冥教主。壇下人兩旁

候駕不可近前。各宜小心。爐中上宮香一炷。面然大士到。

示駕移時即降。院中人遠立。不可近前。

鄂都御史到。

幽冥教主地藏王菩薩降。

偈

造化陰陽萬劫茫茫。羣生不悟終日鋪張。功名富貴難脫无常。無私陰罰且待莫忙。善男信女。

降之百祥。邪婦忤子。降之百殃。吾言切記。自己忖量。浮生原是夢一場。世人何必苦奔忙。靈山種得蓮千樹。方是本來極樂鄉。

孚佑帝君

示移時關大帝降。汝等向東北叩迎。座移好。

崇寧四將軍到

關聖帝君降

詩

浩大皇恩雨澤多。倏時甘露徧山河。雲烟散盡碧空淨。四野羣賡樂歲歌。

宏教真君到

桂宮聶仙到

文昌帝君降

詩  
雨後殘雲尚未歸。帝君駕出水晶幃。遙看塵世

堂希聖。一片紅光入翠微。

關聖帝君

話方纔吾與文帝同上通明。有事方回適幽

冥教主來時。爾等曾有失儀者否。稟遵呂帝

訓不敢失儀。曰好。周將軍內外前後查看。務

須將穢祟驅盡。清此壇所。金生龐生何在。稟

因雨所阻。曰非因雨所阻。乃因福薄所阻耳。

今日有斗姥勸孝一文。可爲此書之首。下次

再賜弟文。今日天宮有事。諸尊多有不得來

者。諸生泥塗而來。大有誠敬之心。可嘉可獎。士神報曰。諸尊回天。叩送。

二十一日

宏教真君到

孚佑帝君降

詩

鸞輿下降九重天。寶鼎香沖銀漢邊。幾片雲光千嶺樹。萬家炊火半林烟。

桂宮聶仙到

梓宮楊仙到

文昌帝君降

雷府四天君到

桓侯大帝降

崇甯四將軍到

關聖帝君降

諭點名。點名畢。曰。龐生何在。稟因有事故不



能到壇

訓何生汝入是堂務須長久不可稍違規矩

中皇佛降

示上帝有旨諸生敬立院中兩旁再焚香一炷檀香多續視宮香二寸時向東北九叩首上帝駕復降賜書希聖堂三字諸生院中候駕留金生看香切不可隨便按序排立

玄穹高上帝玉皇天尊駕幸

詔曰吾帝下降紫霄萬里高架虹橋紫極羣臣叩送下界香靄高飄朕躬本性慈愛諸生共仰唐堯待得功成緣滿諸生共樂逍遙吾帝今宵復降實爾等難遇之奇緣果能永久不懈朕必加恩爾等戒之

關聖帝君

諭速裁紙一張賜希聖堂三字書畢向東北叩送

中皇佛

話上帝有旨命關呂文三帝各賜對聯一付。  
對聯未載

二十四日

宏教真君到

孚佑帝君降

金龍四大王降

桂宮楊二仙到

文昌帝君降

中皇佛玉帝駕前正宰降

御祿佛降

雷府四天君到

桓侯大帝降

崇甯四將軍到

關聖帝君降

李白大仙到

指迷寶錄

卷一

三十四

杜工部仙到

米南宮仙到

蘇東坡仙到

正陽帝君降

南海侯到

龍女到

善財童子到

觀音大士降

孚佑帝君

話今日四大王。特來此壇垂訓。

金龍四大王

訓夫自人心日失於薄。故天震怒。降下水火  
瘟疫。相雜世界。非上帝不常。實羣生自作也。  
更有水溢津門。黎民塗炭。予素性慈愛。故屢  
次跪乞上帝。否則已歸海矣。予因屢來此處。  
鎮此海門。願爾等廣傳此訓。凡世之畏水者。

無不禱我。與其禱我。何若正心誠意。不惹天怒。不遭水災。爲妙也。世人自戒。予歸向北叩送。

關聖帝君

話壇下。又有人來報名。胡生跪曰。汝來此何意。稟聽訓曰。好。吾看汝生平。絕無持守。日後既欲向善。務必先持守其心。不可爲貨慾奪之。帝不必細訓。總一言曰。回頭卽是救人舟。

賜名葆原。取其義曰。人生來皆是一團天理。如孔子謂性相近是也。至長嗜慾以紛。本來面目早已失。取此二字與汝。仍復其天命之原。本來之性耳。日後務要洗心淨慮。但恐未能持久。

話今日爾等獻供。欲爲我壽乎。稟此眾弟子一點薄獻。曰。卽好。此可謂寒素家風。妙極。此一盞酒吾當飲。

雷部田天君奉關帝旨。賜勸弟文一章。

勸弟文

且夫堯舜之道。孝弟而已。然此二字。本相因而相屬。缺一不可為宇宙完人。故人莫要於立弟道也。弟道果何以立。莫非一敬耳。自世風遞降。人心日漓。每於長幼之道。毫不體會。於友恭之理。竟致參差。更有所可笑者。竟因花底之鶯聲。致疎天邊之雁影。祇聽枕畔之言。不顧手足之

誼。其人立於天地間。可無愧為人乎。果能有徐行後長。盡弟道之宜。兄友弟恭。體弟道之實。天籍自存功。世上亦得福。功名福澤。莫不由此致也。世人自勉。

關聖帝君

話此文言雖簡而意該。好。賜田天君清酒一杯。

賜本堂忠孝節義四大字

李白大仙奉關帝旨。頌賀此忠孝節義四字一絕。  
風雨淋漓筆仗酣。珠簾半捲晚風寒。濃雲潑墨  
瀟瀟下。恰似桑中食葉蠶。  
關帝有旨。所上供物。移來頒賜。

二十五日

金龍四大王降

孚佑帝君降

話今日雨意綿綿。最為清淨。金龍四大王路

經此處。在此稍坐。日後還須有別形迹。爾等  
切不可妄動機筆。切記。

宏教真君到

諭有隨金龍四大王將軍到此。

四位將軍到

詩

水湧波濤出海門。飄飄雲影四將軍。聞言此處  
開宣化。特降壇垂警世文。

鎮守海門大將軍

息水災文

大劫來臨。爾等蒼生莫曉。天威震怒。南原白骨成堆。故我大王屢禱通明。都爲小民脫大劫。屢鎮滄海。都爲黎庶免水災。無如小民不悟。日趨於下。而不可挽回。黎庶無知。日流於僞。而莫能救勸。嗚呼。此水患不能免。火災不能無。蟲蝗瘟疫亦不能脫矣。故農家勤耕耨。究何能干斯倉。

萬斯箱。小民遭苦難。故遇諸水之劫。火之害。本處一炬火。曾燒萬姓民。粵省一聲雷。淹盡千家屋。此懍懍於耳目間也。更有山西之界。無一處不遭水患者。卽無一處存天理也。至於津門。水浸田原。猶其小也。可不畏哉。願侍壇同人。廣傳訓戒。使庶民知此水患。皆由人心。而回心向善。重得太平之世界。永無水患之災殃。豈不懿歟。美歟。

孚佑帝君

諭今朝請火德真君垂訓。爾等不必畏懼。雖有火雲。現有鎮海大將軍在此。必無一點動靜。此日來者。取其天氣不暴。人心亦齊。人既多而心未能一。恐有稍錯處。天若暴而火最易烘。恐有不便處也。諸生移座獻茶。宮香一炷。向北院中叩迎。駕卽至矣。

火德真君降

論大界茫茫。誰作迷津之筏。紅塵滾滾。誰操救世之船。幸三帝君心惟慈愛。設是壇以挽人心。念切痼瘼。造法船而使人渡。此功此德。不可言量也。諸生能持好善之心。爲永久之心。此功德亦不可言量也。可不戒哉。還有息火文一篇。命本處土神代宣。我去。叩送。

息火文

且夫火之性。烈且猛也。故有廣廈高牆。一炬竟



成灰土。華裳繡服。一炬全作烟塵。甚至於妻子  
奔逃。遂難再見。弟兄不顧。竟被火焚。世人言之  
墮淚。佛祖見之傷心。但見那悲風瑟瑟。烈燄熊  
熊。紅紛朱顏。早成白骨。雄男奸婦。已作冤魂。此  
豈吾之願爲哉。皆緣汝之自作也。何則。天火者  
氣之暴也。凡火者欲之生也。無凡火而天火不  
烘。有天火而凡火必烈。未聞有良善之家。遭慘  
報也。願斯世及早回頭。免使災殃臨首。每當動

意。必須仔細捫心。凡火不生。天火亦將息矣。安  
百年之樂業。又何難哉。

孚佑帝君

示此日人聲寂靜。大可暢談。更加天意柔和。  
最便垂訓。天弗暴而人心亦和。汝等赴西廂  
稍候。有至尊佛祖降。西屋焚香。二寸後再來  
扶鸞。

觀音大士降

文昌帝君降

關聖帝君降

桓侯大帝降

關聖帝君

話今宵爾等且莫憚勞。有至尊佛祖輪流垂訓。爾等向東北叩迎。尋聲赴感太乙救苦天尊至矣。

太乙天尊降

詩

我乘白鶴出重天。雨意微微趁暝烟。一片祥光冲碧漢。特來同造救生船。

持心歌

看世人。用意偏。財氣酒色日纏綿。那管虧己與味天。此心早被塵氛染。惡孽有萬千。難脫閻羅把爾傳。有劍樹。與刀山。陰風慘慘魂全散。送與那。鬼門關。先拷問。然後把心剜。到那時。只怨咱。

如何不從善人言。依我勸。勿遲延。急忙早把心  
猿拴。莫使物欲奪。不為貨色牽。飄飄恰似世外  
仙。脫盡塵緣。定列仙班。超塵出世人皆贊。霓裳  
曲奏大羅天。豈不歡然。豈不樂然。

孚佑帝君

話向東北叩迎金闕正相顏子。

復聖顏子降

警慢看宣化文

夫聖人立教千載。原期後世相進於聖域耳。煌  
煌鉅典。何待指引也。無如人不古若。直視千古  
聖賢之傳。為一時功名之用。聖教弗振。故宣化  
之舉開矣。無非以福禍悚惕其神。並非以鬼神  
迷惑其志。至於訓誡。何異我聖門之教。世人聞  
有宣化之舉。皆以為迂謬之談。可謂智乎。吾垂  
此訓。特為慢看宣化者警。

孚佑帝君

論諸生小心候駕。世尊至矣。

四大金剛到

十八羅漢到

八大菩薩到

西天教主釋迦牟尼佛降

偈

天地皇皇臨下土。紅日白雲無今古。山川鍾毓百物生。千變萬化難勝數。其中惟有人最靈。百

物誰能為傳伍。無如人心不同前。用心狠毒如狼虎。是以天災徧流行。小民屢遭塗炭苦。諸尊不忍徧飛鸞。但願世人能返樸。果能早上大悲舟。須識蒼天不負汝。塵緣一了靜寂然。日後曇雲登紫府。

觀音大士

戒不禁婦女豔妝文

夫自婦道日頹。坤儀失範。種種不端。筆難盡述。

指迷寶錄 卷一 四  
至於豔妝一節。尤爲不可。雖諸尊屢垂此訓。而已置若罔聞。其夫亦漫不加意。此節雖婦之過。實夫之過也。吾不得不爲剖析言之。必其夫喜豔妝。而其婦遂爲豔妝。其夫之過一也。卽非其夫喜之。而婦自爲。夫不阻之。其夫之過二也。婦爲豔妝。夫竟愛之。且爲理之。其夫之過三也。諸尊訓誡。而夫不念與婦聽。其夫之過四也。卽此四過。雖終身有德。瑜已不掩瑕矣。况無一善行。

哉。故爲此訓。特爲不阻其婦豔妝者發。

桓侯大帝

武將盡忠報國文

古來甲兵爲臨敵之用。將帥爲保國之人。豈可不盡忠報國哉。豈知世道弗隆。將帥亦皆頽靡。當燕居之候。並不慮國而慮民。只思利己。當臨陣之時。更加畏首而畏尾。只顧全生。國家之恩典。小民之性命。全不在心意閒矣。將旣若此。兵

亦效尤必至。傾國失城。誤江山而不淺。圖生貪命。立天地而不容。更當死後。陰獄固不待言。而青史昭垂。已遺臭名而不朽矣。國既危而家已難保。城既陷而身亦難存。何若竭一己之精忠。上保國家。下孚民望。用三千之甲冑。更圖國計。而報君恩。留芳名於竹帛。共仰遺徽。垂謀畧於百年。羣推豪傑。不愧爲將。卽不愧爲人矣。可不自重哉。

土神報曰。諸尊回天叩送。

二十七日

宏教真君到

孚佑帝君降

桂宮楊仙到

桂宮聶仙到

金甲神到

文昌帝君降

李白大仙到

崇寧四將軍到

關聖帝君降

雷府四天君到

桓侯大帝降

中皇佛降

觀音大士降

御祿佛降

歌

人心難回可奈何。無邊苦海滾洪波。一觀世態  
空垂淚。無限憂懷付永歌。潛修爾室最清明。活  
水源頭仔細尋。何用專心尋妙法。且從方寸自  
評評。吾佛下界指迷蒙。數載空懷救世情。不料  
今朝開盛舉。毀言謗語一時生。我乃通明一侍  
臣。奉旨下降紫霞雲。一言汝等皆須記。莫把良  
言作具文。悠悠斯世被塵漫。諸天佛祖徧飛鸞。

莫負聖賢開教化。砥流且自挽狂瀾。

中皇聖佛

訓苦海茫茫。迷津渺渺。誰作砥柱於中流。能挽狂瀾於既倒。嗚呼斯民斯世。猶作夢裏之華胥。謀食謀生。幾同枝邊之雀鳥。有誰能拋羅網。志趣堂堂。不觸罟罟。塵緣了了。則有求道情殷。竟思登雲。或吞金而思羽化。或鍊石而步祥雲。究不若從無多之方寸。仔細根尋。

自能露一點光明。諸生不信。細聽我修心銘。

修心銘

人心一點。惟一惟精。上合天界。下抵幽冥。心燈一照。天地皆明。或善或惡。不錯毫分。念頭一起。衆欲紛紛。先還意動。後則身行。欲尋至理。先修此心。不爲俗累。不染塵氛。一念不動。萬法皆空。祥光四照。瑞色飄風。丹心一點。直冠古今。何須鍊石。不必吞金。心能守住。定不沈淪。斯言核實。



諸子追尋。

諭中皇御祿二佛歸。向東北叩送。九天應元雷聲普化天尊卽刻卽到。

九天應元雷聲普化天尊降

訓夫斯世愚夫愚婦。不可挽回其心。億兆萬民。終不能導引入善。何也。以其教未興而訓未廣。故關文呂三帝。大開善會。設立法壇。有功於世道人心。豈淺鮮哉。但此處一派淨華。

全不知陰陽造化之妙。鬼神禍福之原。一聞有宣化者。皆以爲無稽之巷語。惑衆之迂談。豈不聞冒充官長。紀律難逃。而冒充神聖。豈無罪孽也哉。我聞此處宣化。特到津門。一採其風俗。黑氣冲天。惡氛掩地。且有談及宣化者。無不笑譏毀謗也。依我之性。本欲擊之以雷。然好生之德。不可失。或可挽回世道。未可知也。然而恐不足符我望。

字佑帝君

話今朝諸生之奇緣。實天緣之湊巧。有岳武穆奉玉帝敕旨。到此垂忠文一篇。武穆久不降壇垂訓。今朝欣然欲來。諸生不及料也。帝君亦不及料也。

岳武穆王降

詩

殘山剩水夕陽紅。回首家邦恨不窮。一點忠心

終未泯。天涯底事困英雄。

勸忠文

嗟哉斯世之斗筭。何足論也。茲特奉玉帝旨來。不得不為剖析也。夫朝廷用人。原為國家備緩急之需。豈為身家計飽煖之用。可悲可恨。天地實不能容。可殺可誅。鬼神實不能護。務須已仕者及早回頭。未仕者必須立志。一言總之。但為國莫惜身。只立功莫貪爵。此我未了生前之事。

業再為世人一論。

從武穆王者到

話吾從武穆王來者。賜詩四句。諸生一揖而送。不必全禮。請留姓名曰。姓名不欲留人世。

詩

我家豪氣貫重霄。國恨於今尚未消。只有報君雙淚在。斑斑空向舊山飄。

話觀此詩。吾之姓名。不問可知矣。送。

孚佑帝君

話此岳武穆之子名雲者。諸生向西叩迎。文殊普賢二菩薩經此過。特來稍坐。叩迎。

文殊菩薩降

訓喜哉斯壇之立也。瑞色千條。直冲碧漢。祥雲萬縷。貫入青霄。各土神。各廟神。迎風而拜。諸佛祖。諸菩薩。望影而歡。茲又有玉帝差派。滿天真宰。以助威儀。此堂光彩。非他等可比。

也。幸勿因無識無知之狂儒。謗天謗地之孽畜。稍懈其志可矣。

普賢菩薩降

訓諸子之心。以誠敬爲本。尤以操持爲要。切不可同流合污。此非我輩屢次瑣言。實由斯世。十中九譏謗是堂者。至恭敬是堂者。十中不獲一矣。幸哉壇下尙有十餘人。吾佛甚恐再有因譏而退者。壇更不能興。訓更不能廣。

爾等切記關大帝之希聖小引曰。久非我普賢故。設險語惑衆。若有志不終者。須防桓侯之雷。關帝之刀。切宜自重。

關聖帝君

話時已半晌。各賜茶一盞。

訓吾帝可喜人齊。日後不可有來有不來者。實不克脫身。可一不可再。若來時大雨滂沱。遠處不來者可恕。近處不可。若來時小雨或

泥塗。雨過切不可不來。今日帝有公務回天。叩送。

孚佑帝君

訓 胡生 堂前聽訓。關大帝待汝不薄。切不可

辜負。至於今日賜茶。關大帝已拔列。日後再遇迎送。可居金生之上。汝日後切不可同前日之情形。果能保守身心。而不妄動。不但負關大帝之慈悲。亦不負汝母之教養也。從

此改前非而入聖賢之路。功莫大焉。自重自戒。

觀音大士回天

桓侯大帝同回

文昌帝君

訓 胡生 汝前身來歷不凡。乃太乙救苦天尊之看鶴童也。故關大帝格外垂恩。亦欲汝仍還本來面目。可歸原處耳。切不可負。日後皆

宜懺悔。不能立時改者。可緩改。尤不可不改。此話汝自揣。帝不便明言。

二十八日

土神李公到

話今日諸生所擬儀注。予已閱。並報明呂帝。諸子向北叩迎。三帝駕至。

崇寧四將軍到

關聖帝君降

桂宮聶仙到

桂宮楊仙到

文昌帝君降

宏教真君到

孚佑帝君降

關聖帝君

話今有本處土神上報。本堂同人又擬儀注。甚為周密。盍呈上一閱。閱畢。曰此條條有法。

甚爲妥當。

訓吾自飛鸞以來。幾徧天下。莫非欲以金針  
砭世道耳。豈知人心不可挽回。世道莫能再  
盛。雖用救世之苦心。而世道人心。終不能如  
吾之願也。此堂一立。疑謗愈多。吾未如之何  
也已矣。

孚佑帝君

訓爾等年雖不等。而功行無殊。必須勉力向

前。以登善果。莫負三帝君之苦心。

文昌帝君

訓諸生自開壇以來。全無差錯。但細微之處。  
或不能免。日後再依新立儀規。奉行可矣。規  
橫要緊。至平日亦不可放肆。諸生久而敬之。  
不可常聚而遂生談笑謔語。日後無事。可共  
聚一處。彼此觀摩切磋。

觀音大士降

話關帝命關將軍邀我。到此稍坐。吾曠觀世道。黑氣妖氛。一時皆起。天地間無有如上古者矣。但見黑烟內。忽有紅雲一道。無如黑烟大而紅雲微。竟不能遮掩其黑氣妖氛者矣。悲夫。

正陽帝君降

詩

茫茫苦海幾時休。烟樹萋萋少渡舟。何若我仙

居海上。亦無歡樂亦無憂。

世人何故苦奔忙。錯認迷途是故鄉。一旦輪迴難脫卻。樓臺已作白茫茫。

話吾今來此。賜酒色財氣四條。

酒一條

且夫世人皆好酒也。夫酒固非不可飲。然飲者亦視何如。倘其跨鶴飄飄海上游。仙人遙指岳陽樓。杯傾竹葉香流遠。一曲高歌萬古秋。仙人



未嘗不飲可知矣。然莫非作樂而已。並未嘗亂飲也。但恨世之飲酒者。每日仙人亦吟詩。仙人亦飲酒。我欲學仙人。既醉何所有。於是酒樓酒市任遨遊。不醉歸來意不休。飲後迷茫皆不識。竟將親友作讐仇。如是亦飲酒乎。世人最要者在節量。非謂一滴不沾也。

戒酒文

且酒之爲害。亦匪輕矣。每當飲時。必欲不醉無歸。至於醉後。豈知天旋地轉。全不識紅日白雲。一味胡行。此輩切不可飲。更有自命風流。欲學飲中之八仙。豈知弄巧成拙。不啻東施效顰。以故我勸世人戒酒。

中皇佛降

示玉帝降詔一道。某生眞書。不可草率。

詔曰。朕覽左相關奏。稱此壇規模日整。朕心大慰。特勅滿天真宰。以助威儀。七月初一日。朕酉刻駕

幸希聖堂。爾等小心候駕。各宜恪遵。特詔。

土神報曰。呂帝同關文二帝回天。金闕謝恩。諸生

稍候一刻重降。

土神報曰。關帝駕回迎。

關聖帝君降

話吾帝上通明謝恩。上帝頗有悅色。且命我  
囑汝等。聊備供果。上帝各為頒賜。上帝酉正  
駕幸。汝等莫悞。諸尊酉初齊到候駕。喜哉玉

帝之恩不可名也。已降二次。再則三。實諸生

天外之想亦不到。可喜。諸生下壇莫悞。不必

多囑。總一誠字。可知會同人。申正二刻齊集。

酉初二刻迎諸尊。酉正玉帝駕幸。時刻莫悞。

吾歸。

三十日

宏教真君到

詩

音水寶錄

卷一

五十八

掛蓬寶錄 卷一 五八  
夕陽滿院草離離。百慮全消酒一卮。此日絕塵  
無別事。特來壇上詠新詩。

李白大仙到

詩

白雲片片趁斜陽。亂竹籬邊淡閃光。柳岸低垂  
千樹翠。花蹊遠蕩一園香。鴉羣聲噪荒崖北。牛  
背人歸古道旁。欲問仙雲何處落。壇開希聖有  
幽堂。

指迷寶錄一集終



